



Broj: 27-03-04-49533-1/23
Sarajevo, 23.11.2023. godine

Na osnovu čl. 4. i 35. Zakona o izvršavanju Budžeta Kantona Sarajevo za 2023. godinu ("Službene novine Kantona Sarajevo", broj 15/23) i Odluke o raspisivanju Javnog poziva za sufinansiranje troškova III ciklusa studija na Univerzitetu u Sarajevu dobitnicima priznanja „Zlatna značka Univerziteta u Sarajevu“, 27-03-04-49533-1/23 od 23.11.2023. godine, ministrica za nauku, visoko obrazovanje i mlade Kantona Sarajevo raspisuje

**Javni poziv
za sufinansiranje troškova III ciklusa studija na Univerzitetu u Sarajevu dobitnicima
priznanja „Zlatna značka Univerziteta u Sarajevu“**

I - Predmet Javnog poziva je sufinansiranje troškova III ciklusa studija na Univerzitetu u Sarajevu dobitnicima priznanja „Zlatna značka Univerziteta u Sarajevu“.

II - Pravo učešća na Javnom pozivu imaju kandidati dobitnici priznanja „Zlatna značka Univerziteta u Sarajevu“ i to:

1. koji su se u kalendarskoj 2023. godini nakon provedene konkursne procedure **za upis u studijsku 2022./2023. godinu**:
 - prvi put upisali, odnosno stekli pravo upisa, prve godine III ciklusa studija na fakultetima/akademijama Univerziteta u Sarajevu;
 - prvi put upisali drugu/treću godinu III ciklusa studija na fakultetima/akademijama Univerziteta u Sarajevu.Pravo prijave iz ove tačke imaju dobitnici priznanja „Zlatna značka Univerziteta u Sarajevu“ koji nisu ostvarili pravo na dodjelu sredstava po ovom osnovu, zbog kasnijeg početka studijske godine na III ciklusu studija na fakultetu/akademiji Univerziteta u Sarajevu u odnosu na vrijeme raspisivanja Javnog poziva Ministarstva za nauku, visoko obrazovanje i mlade Kantona Sarajevo, broj: 27/03-11-48149-1/22 od 29.11.2022. godine.
2. koji su se u kalendarskoj 2023. godini nakon provedene konkursne procedure **za upis u studijsku 2023./2024. godinu**:
 - prvi put upisuju, odnosno stiču pravo upisa, prve godine III ciklusa studija na fakultetima/akademijama Univerziteta u Sarajevu;
 - prvi put upisuju drugu/treću godinu III ciklusa studija na fakultetima/akademijama Univerziteta u Sarajevu.

III – Kriteriji za dodjelu sredstava

Kandidat koji aplicira za dodjelu sredstava po ovom javnom pozivu mora ispunjavati sljedeće uslove, odnosno da je:

- državljanin Bosne i Hercegovine;
- dobitnik priznanja „Zlatna značka Univerziteta u Sarajevu“;
- u studijskoj 2022./2023., odnosno 2023./2024. godini prvi put upisao III ciklusa studija, odnosno da je prvi put stekao pravo upisa prve godine III ciklusa studija na fakultetima/akademijama Univerziteta u Sarajevu;
- u studijskoj 2022./2023., odnosno 2023./2024. godini prvi put upisuje drugu/treću godinu III ciklusa studija na fakultetima/akademijama Univerziteta u Sarajevu.
- po javnom pozivu Ministarstva za nauku, visoko obrazovanje i mlade Kantona Sarajevo, broj: 27/03-11-48149-1/22 od 29.11.2022.godine. nije dobitnik sredstava po ovom osnovu, za kandidate iz tačke II podtačke 1. ovog Javnog poziva.

Prijavu na Javni poziv kandidati podnose na prijavnom obrascu Ministarstva za nauku, visoko obrazovanje i mlade Kantona Sarajevo (**Obrazac JPZZ 2023**) koji se može preuzeti sa web stranice Ministarstva www.mon.ks.gov.ba ili na protokolu Kantona Sarajevo (Reisa Džemaludina Čauševića 1 – šalter sala).

IV – Dokumentacija koju je potrebno dostaviti u originalu ili ovjerenoj kopiji (ovjera ne starija od šest mjeseci)

Prilikom prijave na Javni poziv kandidati su obavezni dostaviti sljedeću dokumentaciju:

- a) Popunjen prijavni obrazac (Obrazac JPZZ 2023);
- b) Uvjerjenje o državljanstvu;
- c) Dokaz da je kandidat dobitnik priznanja „Zlatna značka Univerziteta u Sarajevu“;
- d) Uvjerjenje/potvrda fakulteta/akademije Univerziteta u Sarajevu o datumu upisa III ciklusa studijske 2022./2023. godine.
- e) Uvjerjenje/potvrda fakulteta/akademije Univerziteta u Sarajevu da je kandidat u studijskoj 2022./2023. godini, odnosno 2023./2024. godini prvi put upisao prvu godinu III ciklusa studija, odnosno da je stekao pravo upisa u studijsku 2023./2024. godinu na fakultetu/akademiji Univerziteta u Sarajevu;
- f) Uvjerjenje/potvrda fakulteta/akademije Univerziteta u Sarajevu da kandidat u studijskoj 2022./2023. godini, odnosno 2023./2024. godini prvi put upisuje višu, odnosno drugu/treću godinu III ciklusa studija na fakultetu/akademiji Univerziteta u Sarajevu;
- g) Potvrda fakulteta/akademije Univerziteta u Sarajevu o iznosu troškova školarine jedne studijske godine III ciklusa studija.

Napomena: Za kandidate koji su u studijskoj 2022./2023. godini stekli priznanje „Zlatna značka Univerziteta u Sarajevu“, Ministarstvo za nauku, visoko obrazovanje i mlade Kantona Sarajevo će po službenoj dužnosti pribaviti dokaz da je kandidat dobitnik priznanja (iz člana IV tačka c) Javnog poziva).

Kandidati koji su u studijskoj 2022./2023. godini stekli priznanje „Zlatna značka Univerziteta u Sarajevu“, a koji ostvare pravo na dodjelu sredstava po ovom javnom pozivu, obavezni su dokaz iz člana IV tačka c) Javnog poziva (dokaz da su dobitnici priznanja) Ministarstvu dostaviti do potpisivanja ugovora, a o čemu će biti blagovremeno informisani putem web stranice Ministarstva.



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-029

Web: <http://mon.ks.gov.ba>, E-mail: info@mon.ks.gov.ba

2/3

Prijava na Javni poziv sa naprijed traženom dokumentacijom podnosi se u zatvorenoj koverti sa naznakom Prijava na Javni poziv za sufinansiranje troškova III ciklusa studija na Univerzitetu u Sarajevu dobitnicima priznanja „Zlatna značka Univerziteta u Sarajevu“ - **NE OTVARAJ** na adresu

KANTON SARAJEVO
MINISTARSTVO ZA NAUKU, VISOKO OBRAZOVANJE I MLADE

Ul. Reisa Džemaludina Čauševića br. 1 71 000 Sarajevo
sa naznakom podatka o aplikantu (ime i adresa)

Rok za predaju prijava na Javni poziv je 8 dana od dana objave u dnevnom listu i web stranici Ministarstva za nauku, visoko obrazovanje i mlade Kantona Sarajevo.

Neblagovremene, nepotpune i neuredne prijave neće biti razmatrane.

Pregled, odnosno razmatranje pristiglih prijava na Javni poziv i utvrđivanje preliminarne rang-liste dobitnika sredstava po Javnom pozivu, izvršit će Komisija koju imenuje ministrica za nauku, visoko obrazovanje i mlade Kantona Sarajevo.

Pisani prigovor na preliminarnu rang-listu kandidat podnosi ministrici za nauku, visoko obrazovanje i mlade Kantona Sarajevo u roku od 8 dana od dana objavljivanja iste na web stranici Ministarstva. Odluka ministrice za nauku, visoko obrazovanje i mlade Kantona Sarajevo po izjavljenom prigovoru je konačna.

Nakon donošenja odluke/a po prigovoru/ima, ministrica za nauku, visoko obrazovanje i mlade Kantona Sarajevo objavljuje odluku o utvrđivanju konačne rang-liste dobitnika sredstava po Javnom pozivu na web stranici Ministarstva sa naznačenim iznosom sredstava za svakog dobitnika.

Dobitnicima sredstava za sufinansiranje troškova III ciklusa studija po Javnom pozivu, Ministarstvo će doznačiti sredstva u skladu sa konačnom listom kandidata i utvrđenim iznosom sredstava za svakog kandidata. Međusobna prava i obaveze između Ministarstva i dobitnika sredstava uredit će se posebnim ugovorom.

Kontakt informacije: 033/562-029.

MINISTRICA

Prof. dr. Adna Mesihović



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-029

Web: <http://mon.ks.gov.ba>, E-mail: info@mon.ks.gov.ba

3/3